

ոններով գոհեր է տուել, գետերով արևն հոսեցրել — նա կարծում է, որ մոզական գաւազանի մէկ հարուածով նրանք կ'իրագործուեն հայ միջավայրում, եթէ միայն հայերը հարկաւոր ցանկութիւնն ունենան, գիտակցեն իրենց պարտականութիւնները եւ պահանջուած մանր-մունր գոհողութիւնները յանձն առնեն: Հայ ժողովրդի ներքին էութիւնից դուրս գըտնըւող բոլոր ճակատագրական եւ անյաղթելի պայմանները նրա համար գոյութիւն չունեն:

Այստեղից էլ ըզխում է զրքի էն ամենից գլխաւոր պակասութիւնը:

Բայց չնայած զրքի մի շարք ներքին եւ արտաքին խոշոր թերութիւններին, այնուամենայնիւ «Որոգայթ Փառաց»ը, ինչպէս ասացինք, մի շատ նշանաւոր երեւոյթ է մեր գրականութեան մէջ, իսկ նրա հեղինակը՝ մի նշանաւոր քաղաքական գործիչ-գրող: Նա առաջին հայ հեղինակն է, մանաւանդ վերջին դարերում, որ հայ ժողովրդի թշուառ վիճակը եւ նրա փրկութեան միջոցները գրականութեան ինդիք գարձնելով, քաղաքական տարր է մըացընում հայոց գրականութեան մէջ: Եւրոպական մի շարք լուսաւոր գաղափարներ՝ ազատութիւն, հաւասարութիւն, հանրապետութիւն, օրէնք են. — առաջին անգամ նրա բերանից ենք մենք լսում — որպէս միջոցներ հայ ժողովրդի փրկութեան եւ երջանկութեան:

Դա՛ է այն չափազանց խոշոր ծառայութիւնը, որ Շահամիրեանը մատուցել է հայ ժողովրդին եւ նրա գրականութեանը:

Եւ այդ անգնահատելի ծառայութիւնը միայն բաւական է, որ նրա առջեւ նսեմանան ու մոռացուին նրա բոլոր թերութիւնները, որպէս հեղինակի: Թաւրիզ

ԼՐԱՅՈՒՑԻՉ ՆԻԻԹԵՐ Յ. ՇԱՀԱՄԻՐԵԱՆԻ ԿԵՆՍԱԳՐՈՒԹԵԱՆԻ)

Յակովբ Շահամիրեանի կեանքը, նիւթեր չլինելու պատճառով, ընդհանրապէս անյայտ է եւ հարկաւոր չտրով լուսաբանուած չէ: Անգամ այդ կեանքի ամենագլխաւոր էջերը անծանօթութեան թանձր քողով են ծածկուած եւ մենք չգիտէինք, թէ, օրինակի համար, ե՞րբ է ծնուած նա, ե՞րբ է մեռել, քանի՞ տարեկան,

ո՞րտեղ էն.:

Սակայն, վերջերս հնդկահայ բանասէր Մ. Սէթեանը իր «Թ Շիրակայ ցհնդիկս կամ ծագումն ջուղայիցւոց եւ հնդկահայոց» վերնագրով ուշադրաւ յօդուածի մէջը) բերում է Շահամիրեանի տապանագիրը, որից մի շարք հանելուկներ բացուում են մեր առաջ:

Տապանագրից մենք իմանում ենք, որ նա մեռել է 1774 թուին, 29 տարեկան հասակում եւ թաղուած է Մալաքա կամ Մալաթեան թերակղզու Մալաղա քաղաքում: Հետեւաբար մահուան թուականից եւ տարիքից պարզուած է նաեւ, որ նա ծնուած պիտի լինի 1745 թ.:

Դժբախտաբար ուրիշ տեղեկութիւններ Յ. Շահամիրեանի կեանքի մասին այլեւս չի տալիս յարգելի բանասէրը, որոնք անշուշտ շատ թանկագին կը լինէին մեզ համար — աւելի մօտիկից ճանաչելու այդ նշանաւոր մարդուն եւ նրան լաւ հասկանալու տեսակէտից:

Տապատանգիրը գրուած է ոտանուորով, գրաբար է եւ շեշտում է հանդուցեալի ջերմ հայրենասիրութիւնը:

Ահաւասիկ նա իր իսկական ուղղագրութեամբ եւ ոճով. —

«Ողջո՞յն ընդ քեզ գամբարանի դառն ընթերցող,
Տուր ինձ լուրն ազատութեան ազգին իմոյ,
որ եմ տենչօղ,
Եթէ յարեաւ ի մէնջ ոմն փրկիչ եւ կառավարօղ,
Ընդ որ յաշխարհի յաւէտ էի յոյժ ցանկացօղ:

Ես Յակոբս ի Հայոց մեծաց ի նախնեաց յառաջ եկօղ,

Որդի գոլով Շամիր Շահրեանց անուանն ընդունօղ.

Ծնայ ի նժդեհ աշխարհն Նոր Ջուղա Պարսիցն գեօղ,

Ի լնուլ ամաց 29-ից ընթացայ ի սեփեսականութիւն իմ հօղ,

Յայս Մալաղա յեթն յուլիսին եղէ կեանս իմ մճարօղ,

Ի թիւն Փրկչին 1774 հանդեայ յազարակիս գոր եմ գնօղ»:

2) Հ. Գարագաշ «Պարսկահայ Տարեցոյց», Թէհրան, 1927 թ., էջ 169-175:

1) Տե՛ս «Հայրենիք, 1927 թ. թիւ 7.